

এসআইবিএল ফাউন্ডেশন হাসপাতাল আপনার হাসপাতাল, আমাদের হাসপাতাল।

আমাদের হাসপাতালের উন্নয়নে
আমাদের সবাইকে এগিয়ে আসতে হবে।
আপনার আত্মীয় স্বজন, বন্ধু বান্ধবকে
আমাদের হাসপাতালের কথা বলুন।
আপনার, আপনার আত্মীয় এবং আপনার পাঠানো
যে কোন রোগীর জন্য সর্বোচ্চ
৪০% ডিসকাউন্ট।

সজাগ দৃষ্টি রাখুন

- ▶ প্রতি বৃহস্পতিবার রিভিউ মিটিং
 - ▶ দৈনিক প্রত্যেক অফিসার ২টি নতুন একাউন্ট
 - ▶ সপ্তাহে প্রত্যেক অফিসার ১টি রিটেইল ব্যাংকিং
 - ▶ সপ্তাহে প্রত্যেক অফিসার ১টি এসএমই
 - ▶ সপ্তাহে প্রত্যেক শাখা ১টি আইআরএমডি
 - ▶ মাসে প্রত্যেক অফিসার ২টি ক্যাশ ওয়াকফ
 - ▶ সপ্তাহে প্রত্যেক শাখা ২টি মাইক্রো ফাইন্যান্স
 - ▶ সপ্তাহে প্রত্যেক নন এডি শাখা ১টি এলসি এবং এডি শাখা ১০টি এলসি
- || নিশ্চিত করুন ||



এসআইবিএল পরিবারের সকলকে বাংলা নতুন বছরের শুভেচ্ছা

দুয়ারে দাঁড়িয়ে বৈশাখ, এসেছে বাংলা ১৪২৪।

পহেলা বৈশাখ বাংলাদেশের এবং বাঙালি সংস্কৃতির প্রধান উৎসব। এটি আমাদের প্রাণের উৎসব, বাংলাদেশের মানুষের স্বকীয়তার উৎসব। সহস্র লোকের জন্য নবদিনের শুভাশীষ নিয়ে উৎসবের মতো আসে বৈশাখ। নববর্ষের প্রতিটি দিন হোক অনাবিল আনন্দে পরিপূর্ণ, প্রতিটি মুহূর্ত জীবনে বয়ে আনুক সাফল্য, সমৃদ্ধি---সেই প্রত্যাশায়---শুভ নববর্ষ।

অতীত বছরের দুঃখ-গ্লানিকে ভুলে নববর্ষকে বরণ করার জন্য প্রস্তুত সকলে। নতুন বছরকে ঘিরে প্রতিটি বাঙালির মনে জাগে নতুন প্রত্যাশা। শুদ্ধতায়, মনের ধুলো সরিয়ে আরো নির্মল আর পরিচ্ছন্ন হয়ে নতুন বছর শুরু করার প্রেরণা যোগায় বৈশাখ।

বাংলা নতুন বছরের শুরু থেকেই এসআইবিএল পরিবারের সকলকে সম্প্রীতির বন্ধনে আবদ্ধ করে আমাদের পথচলা শুরু হবে নতুন গতিতে, প্রাণচাঞ্চল্যের সাথে। ইতিমধ্যেই আমাদের ব্যাংকে চলেছে “এসআইবিএল সম্প্রীতি” শীর্ষক ক্যাম্পেইন। আমি আশা করি এসআইবিএল এর সকল নির্বাহী কর্মকর্তা-কর্মচারী এই ক্যাম্পেইনকে সফল করার মাধ্যমে ব্যাংককে উৎকর্ষতার পথে এগিয়ে নিতে কাজ করে যাবে অবিরাম।

নববর্ষের এই শুভক্ষণে এসআইবিএল পরিবারের প্রত্যেক সদস্যকে জানাই আন্তরিক শুভেচ্ছা ও অভিনন্দন। সব অপরূপতা, গ্লানি, ব্যর্থতা মুছে জীবনকে নতুন করে সাজিয়ে তোলার প্রত্যয়ে, সেই সাথে আমাদের এই ব্যাংককে নতুন এক উচ্চতায় পৌঁছে দেবার প্রত্যাশা নিয়ে আমরা শুরু করছি বঙ্গাব্দ ১৪২৪।

শুভ হোক ১৪২৪।

বীর মুক্তিযোদ্ধা মেজর ডাঃ মোঃ রেজাউল হক (অবঃ)
চেয়ারম্যান
সোস্যাল ইসলামী ব্যাংক লিমিটেড।



শুভ নববর্ষ

বাংলা নতুন বছরে সকলের জীবন হোক সমৃদ্ধ ও কল্যাণময়

আবার এসেছে ফিরে, বাঙালির ঘরে, নবরূপে চির নতুন সাজে পহেলা বৈশাখ। এসে গেছে বাংলা নতুন বছর-১৪২৪। সব ভেদাভেদ ভুলে সকল বাঙালি এক হয়ে আনন্দ উল্লাসে বাংলা নতুন বছরকে বরণ করে নেয়ার দিন পহেলা বৈশাখ। বর্ষবরণের প্রথম দিন পহেলা বৈশাখ, বাঙালির সার্বজনীন উৎসব। বাঙালির নববর্ষ উদযাপন উৎসবের ক্ষণে সকলকে জানাই বাংলা নতুন বছরের শুভেচ্ছা, শুভ নববর্ষ।

বৈশাখ মানে নববর্ষ-বরণে বাঙালির প্রাণ আনন্দে ভরে উঠে, ঘরে ঘরে বাহারী খাবারে আনন্দে ভরা নীড়, শহরে-গ্রামে প্রাণের মেতার পাশাপাশি প্রতিবছর বৈশাখ বরণে যুক্ত হয় নতুন নতুন মাত্রা। এবারের নতুন বছরটি আমার জন্য সত্যিই আনন্দের। কারণ নতুন পরিসরে, নতুন এক উদ্দীপনায় এসআইবিএল পরিবারের সকলকে সাথে নিয়ে এবারের বাংলা নতুন বছর শুরু করতে যাচ্ছি। পরিবর্তন মানেই নতুন কিছু করা। নতুন বছরে নতুন উদ্যম ও নতুন নতুন চিন্তা নিয়ে এগিয়ে যাব আমরা। নতুন বছরে আমার প্রত্যাশা, চির নূতনের আহ্বান আমাদের ব্যাংকেও ধ্বনিত হবে যার ফলে কর্ম চাঞ্চল্য ও কর্ম প্রেরণায় আমাদের ব্যাংকের সাফল্যের ধারা প্রবাহমান থাকবে।

নববর্ষের প্রতিটি দিন হোক অনাবিল আনন্দে পরিপূর্ণ, প্রতিটি মুহূর্ত জীবনে বয়ে আনুক সাফল্য, সমৃদ্ধি---সেই প্রত্যাশায়---শুভ নববর্ষ।

শুভ নববর্ষ, স্বাগত ১৪২৪ বঙ্গাব্দ।

সহিদ হোসেন
ব্যবস্থাপনা পরিচালক ও প্রধান নির্বাহী
সোস্যাল ইসলামী ব্যাংক লিমিটেড।

